



ISUMAQATIGISSLUT

Kalaallit Nunaanni Sulisitsisut (GE)

aamma

Sulinermik Inuutissarsiuteqartut Kattuffiata

Niuernermi aamma allaffimmi sulisut pillugit

1. april 2023 - 31. marts 2026

Imarisai

§ 1 - Isumaqtigiaissutip imarisai	4
§ 2 - Piffissaq suliffik	5
§ 3 - Atorfilittut angalanerni saniatigut aningaasartuutit.....	6
§ 4 - Atisat atortullu ajoquusernaveeqqutit	6
§ 5 - Uparuaasinnaatitaaneq	7
§ 6 - Akissarsiat tunniunneqartarnerat.....	7
§ 7 - Sulinngiffeqarneq sulinngiffeqarnersiutillu	8
§ 8 - Toqukkut qimataasut aningaasarsiassaat.....	9
§ 9 - Napparsimaneq	9
§ 10 - Naartuneq, ernineq qitornavissiartaarnerlu.....	11
§ 11 - Qitornamik napparsimasoornermi sulinngiffeqarsinnaatitaaneq	11
§ 12 - Pisortanit toqqakkatut qinikkatullu suliassaqartitaanerit	13
§ 13 - Sulinngiffiit immikkut ittut allat	13
§ 14 - Aaqqiagiinngissutit kinaassusersiortumillu soraarsitsinerit	15
§ 15 - Sulisut sinniisoqarnerannik malittarisassat	15
§ 16 - Qanoq sivisutigisumik sulisimaneq malillugu akissarsiat qaffariartornerat	15
§ 17 - Tunngaviusumik akissarsiat	16
§ 18 - Piffissap ilaannaani sulineq.....	21
§ 19 - Qaangiuttoorneq sulinngikkallarnerlu (afspadsering)	22

§ 20 - Piffissami nikingasumi kiisalu sapaatini nalliuuttunilu sulinermut tapisiat.....	23
§ 21 - Nalliuuttuni ulluinnartigoortuni tapisiat.....	24
§ 22 - Suliaartoqquneqaratarsinnaanermut tapisiat	25
§ 23 - Nutserinermi tapisiat.....	26
§ 24 - Atorfimmut qaffasinnerusumut inissinneqarallarnermi akissarsiat	26
§ 25 - Immikkut tapisiat	27
§ 26 - Soraarnerussutisiassanut akiliutissat taakkualu akilerneqartarneri	27
§ 27 - Soraarniuteqartarneq soraarsitsisarnerlu	28
§ 28 - Piffissaq isumaqatigiissutip atuuffissaa	30

§ 1 - Isumaqtigiissutip imarisai

Isumaqtigiisummi matumani pineqarput:

- a) Niuernermi allaffimmilu ilinniartut,
- b) Niuernermi allaffimmilu sulisut ilinniarsimanngitsut,
- c) Niuernermi allaffimmilu sulisut ilinniarsimasut,
- d) Niuernermi allaffimmilu sulisut EVU-mi ilinniarsimasut,

Kalaallit Nunaanni Sulisitsisut Peqatigiiffianni ilaasortat suliffiutaanni atorfinitut isumaqtigiissutinullu allanut attuumassuteqanngitsut, matuma kinguliini sulinermik inuussutissarsiutilinnik taagorneqartussat.

Imm. 2. Ilinniartut inersimasut sungiusaammik sulisut isumaqtigiisummi matumani ilinniarsimanngitsunut malittarisassat atorpaat.

Imm. 3. Sulinermik inuussutissarsiutillit, niuernermi allaffinnilu suliaqarfiusuni ilinniartutut ilinniagaqarnermi, EFG-mi ilinniagaqarnermi imaluunniit STI-mi imaluunniit TNI-mi ilinniagaqarnermi naammassinnissimasutut allagartallit niuernermi allaffimmilu sulisutut ilinniarsimasutut naatsorsuunneqassapput, sulinermik inuussutissarsiutilik niuernermi allaffimmilu sulisuuppat.

Imm. 4. Sulinermik inuussutissarsiutillit inuussutissarsiutitigut ilinniagaqaqqissimanermik allagartallit EVU-mi allaffimmiutut ilinniarsimasutut naatsorsuunneqassapput, sulinermik inuussutissarsiutilik niuernermi allaffinnilu sulisuuppat. Sulinermik inuussutissarsiutillit NI2 / mik / Qaffasinnerusumik ilisimatusarnermik AU/KVU-mik imaluunniit allamik qaffasinnerusumik sivikitsumik ilisimatusarnermik ilinniarsimanermut upernarsaatillit AU/KVU-tut akissarsiaqartinneqassapput.

Imm. 5. Sulinermik inuussutissarsiutillit immikkoortuni 2 - 4-ni ilaatinneqannngitsut, niuernermi allaffinnilu sulisutut ilinniarsimanngitsutut naatsorsuunneqassapput, sulinermik inuussutissarsiutillik niuernermi allaffinnilu fagini sulisuuppat.

Imm. 6. Ilaatigut immikkut sulinermik inuussutissarsiutillik ilinniarsimanngitsoq illua-tungeriit isumaqatigiissuteqarsimasut isumaqatigiinniareernerisigut assistentimut ilinniarsimasumut qaffatsinneqarsinnaavoq taamatullu akissarsiaqartinnejarluni.

Imm. 7. Sulinermik inuussutissarsiutillit tamarmik, qaammammik ataatsimik sivisunerusumik atorfeqarsimasut pisinnaatitaapput atorfininnermut upternarsaammik tunineqarnissaminnut, ulloq atorfiniffik allallugu. Atorfeqarnermut upternarsaammi allassimassaaq sulinermik inuussutissarsiutillik isumaqatigiissut suna atorlugu atorfeqarnersoq.

§ 2 - Piffissaq suliffik

Nalinginnaasumik piffissaq suliffissaq sap. akunneranut nal. akunnerinik 80-ini/ulluni 14-ini sivisussuseqarpoq, agguaqatigiissillugu qaammammut nal. akunnerinut 173,33-nut naapertuuttumik. Sap. akunnerani ulluni ataasiakkaani piffissat suliffiusussat aalajangersarneqassapput suliffiup pisariaqartitsinera naapertorlugu.

Imm. 2. Suliffiup pisariaqartitsinera aallaavingalugu piffissap qanoq ilinerani sulisarnissaq sulisorisat taakkualu sinnisaasa oqaloqatigereernerisigut sulisitsisumit aaliangersarneqartassaaq. Isumaqatigiinngitsoqartillugu SIK uparuaasinnaatitaavoq, tak. § 5.

Imm. 3. Piffissap suliffissaatitap iluani takkutinngitsoornerit akissarsiatigut ilanngaatigine-qartassapput. Akissarsiatigut ilanngaatit tassaassapput akunnerni sulinngitsoorfinni tamani sulisup nalinginnaasumik nal. akunneranut akissarsiaa. Nal. akunnerata affaa tikillugu takkutinngitsoorneq nal. akunnerata affaanik sulinngitsoornertut nalilerneqassaaq.

Imm. 4. Atorfimmut atatillugu angalanermi piffissaq atugaq piffissatut sulinermi atukkatut ilivitsutut nalilerneqassaaq. Taamaattorli piffissap angalanermi atukkap taamatut naatsorsorneqarnerata kingunerissanngilaa ulloq taanna piffissamik suliffissaatitaasumik naammassinnissimannngitsutut isigineqarneq. Nal. 22.00-ip aamma nal. 08.00-ip akornanni angalaneq piffissatut suliffittut isigineqassanngilaq sulisoq siniffissaqartinnejqarsimappat.

Imm. 5. Sulinermik inuussutissarsiutillip pikkorissarnernut ilinniagaqarnermullu atatillugu piffissaq angalanermut atugaa naatsorsorneqartassaaq ullormut suliffiusumut ataatsimut akunnerit 8 angullugit.

Imm. 6. Sulinermik inuussutissarsiutilik qinnuteqarpat nalginaasumik suliffiup avataatigut sulerusulluni, aamma sulisitsisoq isumaqatigalugu suliffeqarfimmi tassani immikkoortortamili allami atorfeqalerpat nalginaasumik sulinertut nutaamik katersineq aallartissaaq.

§ 3 - Atorfilittut angalanerni saniatigut aningaasartuutit

Sulinermik inuussutissarsiutillit angerlarsimaffigisaminniit allamut aallartinnejqarallartut immikkut akissarsitinnejqartassapput Namminersorlutik Oqartussani kommunenilu tjenestemandit pillugit malittarisassat naapertorlugit

§ 4 - Atisat atortullu ajoqusernaveeqqutit

Atisat atortullu ajoqusernaveeqqutit Sullivinnik Nakkutilliisoqarfimmit fagini sulianilu assiginnngitsuni piumasaqaatigineqartut sulisitsisumit sulinermik inuussutissarsiutilimmum akeqanngitsumik tunniunnejqartassapput.

Imm. 2. Sulinermik inuussutissarsiuteqartoq pisussaavoq atisat atortullu ajoqusernaveeqqutit imminut tunniunnejqarsimasut atussallugit.

§ 5 - Uparuaasinnaatitaaneq

Illuatungeriit tunngaviusumik isumaqtigiissutaat atuuttoq naapertorlugu SIK uparuaasinnaatitaavoq isumaqaruni ulluinnarni qaqugukkut sulisarnissamik arfinningornikkullu sulinngittarnerup aaqqissugaaneranik sulinermik inuussutissarsiutilit kissaataat naammattumik naatsorsuutigineqarsimannngitsut, tamannalu suliffiup pisariaqartitsineranik naammattumik tunngavilersorneqarsinnaanngippat.

Imm. 2. Sulinermik inuussutissarsiutilik §§ 3-4-ini aamma §§ 17-24-ini aamma 26-mi pisassarititanik pisinnaassanersoq nalornisoorutigineqarpat aammalu tamanna pillugu sulisut sinnisaat aaqtigalugu saaffiginnissutit naammaginartumik aaqqiiffiunngippata suliassaq illuatungeriit tunngaviusumik isumaqtigiissutaanni atuuttumi malittarisassat naapertorlugit suliarineqarsinnaavoq.

§ 6 - Akissarsiat tunniunneqartarnerat

Sulinermik inuussutissarsiutilinnut nal. akunnermusialinnut piffissaq akissarsiorfik tassaavoq ullut 14-t. Qaammamusialinnut piffissaq akissarsiorfik tassaavoq qaammatisiutit malillugit qaamat.

Imm. 2. Sulinermik inuussutissarsiuteqartup nalunaarutigissavaa Kalaallit Nunaanni Danmarkimiluunniit aningaaserivimmi konto akissarsiat nakkartinneqarfingisinnaasaat.

Imm. 3. Nal. akunnermusialinnut akissarsiat tiguneqarsinnaanngortassapput piffissap akissarsiorfiup naanerata kingorna sap. akunnerani tullermi kingusinnerpaamik tallimanngornikkut.

Akissarsitsineq tallimanngornermi pissanngippat, tamanna sinnisup oqaloqatigineratigut aaqqiavigineqassaaq.

Qaammammusialinnut akissarsiat tiguneqarsinnaanngortassapput qaammatip ulluani aningaaseriviup ammaffiani kingullermi.

Imm. 4. Sumiiffimmi pissutsit patsisigalugit akissarsiat aningaaserivimmi kontomut nakkar-tinneqarsinnaanngikkaangata akissarsiat tunniunneqartassapput imm. 3 naapertorlugu. Akissarsiat - checkinngorlugit tunniunneqarsinnaasut - piffissap nalinginnaasumik suliffiuup nalaani tunniunneqartassapput. Sulinermik inuussutissarsiutillip akissarsiani imm. 3 naaper-torlugu tunniunneqarfissaanni tigusinnaasimannngikkaangagit, piumasaqarnera tunngavigalugu tunniunneqartassapput.

Imm. 5. Ulloq nalinginnaasumik akissarsiffissaq nalliuuttuusimagaangat akissarsiat ulluinnar-mi nalliuuttup siuliani kingullermi tunniunneqartassapput.

§ 7 - Sulinngiffeqarneq sulinngiffeqarnersiutillu

Sulinermik inuussutissarsiutillit ukiumoortumik feriarsinnaatitaapput, feriartarneq pillugu inatsisartut inatsisaanni qaqugukkulluunniit atuuttumi malittarisassat malillugit. Inatsisartut inatsisaanni nr. 10-mi, 12. november 2001-imeersumi § 2 naapertorlugu malittarisassat immikkut ittut matuma kinguliiniittut isumaqatigiissutigineqarput.

Imm. 2. Sulinermik inuussutissarsiutillit pisinnaatitaaffigaat akissarsiarisimasat 12,5 %-iinik sulinngiffeqarnersiutissanut katersinissaq, kisianni taakkununnga ilaatinneqanngillat § 3 naapertorlugu aningaasarsiat kiisalu § 26 naapertorlugu soraarnerussutisiassanut sulisitsisup akiliutigisartagai.

Imm. 3. Sulinermik inuussutissarsiutillit inatsisartut inatsisaanni § 14, imm. 1 naapertorlugu immikkut feriarnersiaqarluni akissarsiallu piginnarlugit feriarnissamut taarsiullugu feriarnersiaqarluni feriarnissamik kissaateqartut, ullut feriarfimmik amerlaqataannik akissarsiaminnik ilanngaanneqartassapput. Nal. akunneranut akissarsiat naatsorsorneqassapput ukiumut nalinginnaasumik akissarsiat 1/2080-iattut.

§ 8 - Toqukkut qimataasut aningaasarsiassaat

Sulinermik inuussutissarsiutilik § 2, imm. 1 naapertorlugu piffissaq sulifflusussaq naallugu atorfilik, atorfeqarnermi nalaani toquppat uillarneranut/nuleerneranut imaluunniit qitornaanut 18-it inorlugit ukiulinnut, sulinermik inuussutissarsiutilip pilersuisus-saatitaaffigisaanut, aningaasat ima annertussusillit tunniunneqassapput:

Suliffimmi tassanerpiaq ukioq 1 sulisimagaanni: Qaammammut ataatsimut tunngaviusumik akissarsiat nalingi.

Suliffimmi tassanerpiaq ukiut 2 sulisimagaanni: Qaammatinut marlunnut tunngaviusumik akissarsiat nalingi.

Suliffimmi tassanerpiaq ukiut 3 taakkunanngaluunniit amerlanerusut sulisimagaanni: Qaammatinut pingasunut tunngaviusumik akissarsiat nalingi.

§ 9 - Napparsimaneq

Sulinermik inuussutissarsiutilik napparsimanini pissutigalugu suliamnik ingerlatsisin-naanngippat tamanna akuerineqarluni sulinnginnertut naatsorsuunneqassaaq, aatsaalli pineqartoq sulinermini piaaraluneerluni mianersuaalliorujussuarluniluunniit napparsimalersimangippat imaluunniit atorfininnermini peqqusersiornikkut nappaat pineqartoq nipangiusimasimappagu.

Imm. 2. Nakorsiarnermut atatillugu sulisup sulinnginnerani unioqqutitsinani sulinnginnertut isigineqarpoq, sulisorlu sulinnginnermini akissasiaqassaaq.

Imm.3. Sulisitsisup piumasarinnaavaa napparsimaneq nakorsap nalunaarutaa atorlugu uppernarsarneqassasoq. Nakorsap nalunaarutaanut aningaasartuutit sulisitsisumit akilerneqassapput.

Imm. 4. Nal. akunnermusialinnut, sulinermik inuussutissarsiutilinnut piffissaq naallugu atorfilinnut SIK-mut ilaasortaasunut, napparsimanerup nalaani ullormusiaqartitsisoqassaaq, aatsaalli pineqartoq napparsimalinnginnermini sivikinnerpaamik ulluni malittuinnarni 30-ni atorfeqarsimappat.

Imm. 5. Ullormusiaqartinneqarnissamik qinnuteqaat immersugassamut immikkut ittumut illua-tungeriit isumaqtigisiissuteqartut akuersissutigisaannut allanneqassaaq aammalu SIK-p immikkoortortaqarfianiit uppernarsarlugu atsiorneqassalluni. Atsikornikkut uppernarsarneqassaaq sulinermik inuussutissarsiutilik SIK-mut ilaasortaasoq.

Imm. 6. Ullormusiaqartitsisoqalertassaaq ullormit sulisinnaajunnaarfimmit siullermiit. Sap. akunneranut ullunut arfinilinnut ullormusiaqartitsisoqartassaaq, kisiannili nalliuuttut ulluinnartigoortut ilanngunneqartassanngillat. Qaammatit malittuinnaat aqqaneq marluk ingerlanerini amerlanerpaamik sap. akunnerini 26-ni ullormusiaqartitsisoqarsinnaavoq. Sulisinnaajunnaarnerli sulinerup nalaani ajutoorermik patsiseqarpat qaavatigut sap. akunnerini 13-ini ullormusiaqartitsisoqarsinnaavoq.

Imm. 7. Ullormusiaqartitsisoqarunnaartassaaq ullormiit sulinermik inuussutissarsiutilip sulilersinnaangoqqiffianiit, tamatumani pineqartoq ingerlaannaq sulilersimanngikkaluarpalluunniit aammalu sulinermik inuussutissarsiutilik ajorunnaarnerminik nalunaa-rueteqanngitsooraluarpualluunniit. Kisiannili sulinermik inuussutissarsiutilik suliffigisami najugaqarfia qimallugu napparsimanermini katsorsartissimalluni sulisinnaangoqqis-simaguni, angalanermi aqqtissat pilertornerpaat atorlugit suliffimminut uternissaata tungaanut ullormusiaqartinneqaaannassaaq.

Imm. 8. Napparsimanerup nalaani soraarsitaanermi piffissap soraarfissap tungaanut ullormusiat pigiinnarneqassapput, takuuk § 27.

Imm. 9. Ullormusiat kr. 110,00-inik annertussuseqarput piffissamilu akissarsiorfimmi akissarsianut ilanngullugit tunniunneqartassallutik.

Imm. 10. Sulinermik inuussutissarsiutilinnut qaammammusialinnut imm. 1 naapertorlugu pissutissaqavissumik suliartunngitsoorsimasunut akissarsiat tassaapput ullormi tassani sulinermik inuussutissarsiutilip nalinginnaasumik nal. akunnermusiaa piffissamut suliffissaatitamut nalinginnaasumut naapertuuttoq.

Imm. 11. Sulinermik inuussutissarsiutillit qaammammorsiallit, qaamatini 12-ni malittuinarni ulluni katillugit 120-ni napparsimanermi akissarsiaqartinneqarsimasut, ullut 120-t pineqartut qaangiunneranni ullunik 30-nik ilimasaarilluni soraarsinneqarsinnaapput. Soraarsitsineq aatsaat atuussinnaavoq soraarsitsineq ullut 120-t pineqartut qaangiunnerannut atatillugu pippat, aammalu pineqartup suli napparsimanerata nalaani, akerlianilli atuussinnaassusaq attorneqanngilaq, pineqartoq soraarsitsinerup kingorna suleqqile-reersimappat.

Imm. 12. Imm. 3-10-ni malittarisassanut lærlingit ilaatinneqanngillat. Taarsiullugu lærlingi sungiusaammik sulinermi nalaani napparsimanini pissutigalugu sulinngitsoorpat nalinginnaasumik akissarsiaqartinneqassaaq. Pisussaaffik tamanna atorunnaassaaq lærlingi atasuinnarmik qaammatit pingasut sinnerlugin napparsimasimappat.

Imm. 13. Aaqqissuussineq sulinermik inuussutissarsiutilinnit ataasiakkaanit atornerlunne-qarpat, taakkununnga atortussaajunnaarsinneqarsinnaavoq.

§ 10 - Naartuneq, ernineq qitornavissiartaarnerlu

Sulisoq akissarsiaqarluni sulinngiffeqarsinnaavoq naartunermut, erninermut qitornavissiartaarnermullu atatillugu lnatsisartut inatsisaat sukkulluunniit atuuttoq malillugu.

§ 11 - Qitornamik napparsimasoornermi sulinngiffeqarsinnaatitaaneq

Sulinermik inuussutissarsiutilik pisinnaatitaavoq qitornami napparsimasup, angerlarsimasup 0-12-inik ukiullip ullormi napparsimaffiani siullermi taassuma paarinissaa siunertaralugu

akissarsiani annaanagit tamakkiisumik ilaannakortumilluunniit sulinnginnissaminut. Akissarsiaqaatigalugu sulinngiffeqartitsinermi siunertaavoq qitornap pisariaqartumik paarineqarnissaata qulakteerneqarnissaa.

Imm. 2. Qitornap 0-14-inik ukiullip angajoqqaanit najorneqartariaqarluni napparsimavimmut unitsinneqarneranut atatillugu ullut aqqaneq-marluk angullugit sulinngiffeqartitsisoqassaaq akissarsiatigut annaasaqaataanngitsumik.

Tamannattaaq atuuppoq peqqinnissaqarfiup akiligaanik napparsimmavimmut napparsimavimiillu angajoqqaat qitornaminnut angalaqataanerannut atatillugu. Nakorsap inassuteqarneratigut/uppernarsaaneratigut meeraq angerlarsimaffimmi uninngasussanngor-titaappat sulinngiffeqarsinnaaneq periarfissiissutigineqarpoq.

Imm. 3. Illoqarfigisami avataaniluunniit qitornap napparsimmavimmut unitsinneqarneranut atatillugu angalaqataassagaanni sulisitsisumut uppernarsaammik takutitsisoqarsinnaavoq. Aamma piumasaqaataavoq taama pisoqartinnagu sulinermik inuussutissarsiutillip sivikinner-paamik ukiup affaanik suliffeqarfimmi sulismanissaa.

Imm. 4. Immikkut illuinnartunik patsisissaqartillugu nakorsamillu uppernarsaatilimmik, qitornap napparsimmavimmut unitsinneqarneranut atatillugu imaluunniit angerlarsimaffimmi uninngatitaanerani sulinngiffeqarneq ullut tallimat angullugit sivitsorneqarsinnaavoq.

Imm. 5. Aaqqissuussinermik tassannga atornerluisoqartillugu sulinermik inuussutissarsiutillit ataasiakkaat periarfissamik tassannga arsaarneqarsinnaapput.

Imm. 6. Sulinermik inuussutissarsiutillik akissarsisinneqassaaq ullormi pineqartumi piffissap suliffissap nalinganut nalinginnaasumik nal. akunnermusiaasa nalinginik.

§ 12 - Pisortanit toqqakkatut qinikkatullu suliassaqartitaanerit

Sulinermik inuussutissarsiutillit akissarsiaqaratik sulinngissinnaatitaapput toqqakkatut qinikkatullu suliassat makku pisariaqartitsineq naapertorlugu isumaginissaat siunertaralugu:

- a) Kalaallit Nunaanni Inatsisartunut ilaasortaaneq,
- b) kommunalbestyrelsemut nunaqarfimmiluunniit aqutsisunut ilaasortaaneq,
- c) ilagiit sinnisaannut ilaasortaaneq,
- d) atuarfimmi aqutsisunut ilaasortaaneq,
- e) kredsdommeriuneq,
- f) eqqartuuusseqataasartuuneq,
- g) illersuisuuneq,
- h) kommunefogediuneq kiisalu
- i) qinikkatut/toqqakkatut suliassaqartitaanerit allat, pisortaqarfinnit oqartussaasunit SIK-p immikkoortortaqarfiini siulersuisunut ilaasortanut imaluunniit SIK-mi siulersuisuunernut ilaasortanut suliassiissutaasut.

Imm. 2. Imm. 1 malillugu suliffigisamiit qimagusimaneq piffissami suliffiusussaagaluami qaangiuttoornersiaqarfissaq sioqqullugu pisoq sumiginnaanertut isigineqassanngilaq. Peqannginnissaq sapinngisamik piffissaalluarallartillugu sulisitsisumut nalunaarutigineqartassaaq.

§ 13 - Sulinngiffiit immikkut ittut allat

SIK-p aamma SIK-p Inuuuttaasa ilaasortai akissarsiat pigiinnarlugit sulinngiffeqartinneqartassapput SIK-mi siulersuisuunernut ilaasortanut SIK-p siulersuisuunerisa ataatsimiinnerinut atatillugu ukiumut ataatsimiinnerit sisamat angullugit.

Imm. 2. Qanigisat napparsimarulunneranni, toquneranni imaluunniit ilisaaneranni sulinermik inuussutissarsiutilik ullut arfineq-pingasut angullugit akissarsiaqaatigalugu

sulinngiffeqarsinnaatitaavoq. Akiliunneqarluni angalanissamik akuerineqarsimaguni, tak. imm. 5, siumut utimullu angalanerni ullunut marlunnut akissarsiaqartinneqassallutik.

Imm. 3. Qanigisatut isigineqarput: angajoqqaat, aapparisaq katissimasaq taamatulluunniit isigineqartoq, qitornat qatanngutillu, kisiannili aapparisap katissimasap taamatulluunniit isigineqartup ilaqtai pinnagit.

Imm. 4. Sulisup qanigisaanik, takuuk imm. 3, napparsimaruluttoqartillugu toqusoqartil-luguluunniit, uppernarsaatilimmik qinnuteqareernikkut, nakorsap nalunaarutaanik imaluunniit toqunermut nalunaarummik il.il., sulisoq suliffimmiit napparsimaruluttup Kalaallit Nunaanni Danmarkimiluunniit najugaanut akiliunneqarluni angalatinneqassaaq.

Imm. 5. Sulisoq sulinngiffeqarallassaguni, tak. imm. 2, aammalu akiliunneqarluni angalas-saguni, tak. imm. 5 sulinermik inuussutissarsiutilik sulinngiffeqarallarnissani akiliunne-qarlunilu angalanissani sioqqullugu minnerpaamik ukiup affaanik suliffeqarfimmi suliffe-qareersimasariaqarpoq. Sulinngiffeqarallarnissaq, tak. imm. 2 aammalu akiliunneqarluni angalanissaq, tak. imm. 5, allaganngorlugu sulisitsisumut qinnutigineqassapput.

Imm. 6. Imm. 1 aamma 2 naapertorlugit sulinngiffeqarnermi akissarsiat naatsorsorne-qassap-put pineqartup nalinginnaasumik piffissaq suliffia nalinginnaasumillu nal. akunner-musiai tunngavigalugit.

Imm. 7. Sulinermik inuussutissarsiutillit SIK-p immikkoortortaqarfiini siulersuisunut ilaasor-tat imaluunniit SIK-p siulersuisuunerinut ilaasortat suliassanik suliaqarniarlutik akissarsia-qaratik sulinngiffeqarnissaminnik kissaataat akuersaarneqartartariaqarput. Tamatumunnga atatillugu ukioq ataaseq sulinngiffeqartitsisoqarsinnaavoq.

§ 14 - Aaqqiagiinngissutit kinaassusersiortumillu soraarsitsinerit

Aaaqqiagiinngissutit illua-tungeriit tunngaviusumik isumaqatigiissutaanni maleruaqqusat malillugit suliarineqartassapput.

Imm. 2. Inuit ataasiakkaat soraarsinneqarsinnaanerannut pisinnaatitaaffiup atorneqarnerani kinaassusersiortoqartassanngilaq. Tamanna pillugu aaqqiagiinngissutit tunngaviusumik isumaqatigiissummi malittarisassat malillugit suliarineqartassapput.

§ 15 - Sulisut sinniisoqarnerannik malittarisassat

Sulisut siinniisaat pillugit SIK-p aamma Kalaallit Nunaanni Sulisitsisut Peqatigiiffiata isumaqatigiissutaat 1. april 2016-imeersoq innersuussutigineqarpoq.

§ 16 - Qanoq sivisutigisumik sulisimaneq malillugu akissarsiat qaffariartornerat

Ilinniarsimasunut qanoq sivisutigisumik sulisimaneq malillugu akissarsiat qaffariartornerat aalajangersarneqassaaq ilinniagaq atorlugu qanoq sivisutigisumik sulisimaneq tunngavigilugu.

Imm. 2. Qanoq sivisutigisumik sulisimaneq malillugu akissarsiat qaffariartornissaat siusin-nerpaamik naatsorsorneqalersinnaavoq ilinniakkamik naammassinninnermit qaammatip naaneraniit.

Imm. 3. Qanoq sivisutigisumik sulisimaneq malillugu akissarsiat qaffariartornissaat tamatigut qaammatinut ilivitsunut akunnaallineqartassaaq, tassa ullaat 15-it inorlugilluuniit sulisimaneq ilanngunneqartassanani.

Imm. 4. Sulinermik inuussutissarsiutillit suliamik ilinniarsimasut aamma suliamik ilinniar-simanngitsut, GE-p ilaasortaasa suliffeqarfiutaani sulereersimasutut takussutissaqartitsisut ilaasortat suliffeqar-fiutaanni allami suliat assignik suliaqarpata qanoq sivisutigisumik sulisimaneq malillugu akissarsiat qaffariartornerat pigiinnassavaat.

§ 17 - Tunngaviusumik akissarsiat

Lærlinginut tunngaviusumik akissarsiat:

Ulluinnarni atugassanik niuernermi, allaffisornermi tuniniaanermilu – Qaammamusiallit akunnermusiallillu:

QAAMMAMMUSIALLIT	1. april 2023	1. april 2024	1. april 2025
	Kr. Qaammammut	Kr. Qaammammut	Kr. Qaammammut
Qaammatit pingasut	6.487,74	7.051,06	7.397,72
Ukioq ilinniarfik 1	8.177,95	8.481,04	8.827,70
Ukioq ilinniarfik 2	9.675,28	10.065,27	10.455,27
Ukioq ilinniarfik 3	10.316,60	10.750,93	11.226,58
Ukioq ilinniarfik 4	12.790,02	13.310,01	13.873,33
Ukioq ilinniarfik 5	13.424,41	13.944,40	14.507,72
AKUNNERMUSIALLIT	Kr. Nal. akunnermut ataatsimut	Kr. Nal. akunnermut ataatsimut	Kr. Nal. akunnermut ataatsimut
Qaammatit pingasut	38,93	40,68	42,68
Ukioq ilinniarfik 1	47,18	48,93	50,93
Ukioq ilinniarfik 2	55,82	58,07	60,32
Ukioq ilinniarfik 3	59,52	62,02	64,77
Ukioq ilinniarfik 4	73,79	76,79	80,04
Ukioq ilinniarfik 5	77,45	80,45	83,70

Lærlinginut tunngaviusumik akissarsiat:

Pisiniarfinni inuussutissalerinermik ilinniarfinni - Akunnermusiallit:

AKUNNERMUSIALLIT	1. april 2023	1. april 2024	1. april 2025
	Kr. Nal. akunnermut ataatsimut	Kr. Nal. akunnermut ataatsimut	Kr. Nal. akunnermut ataatsimut
Qaammatit pingasut	38,93	40,68	42,68
Ukioq ilinniarfik 1	47,18	48,93	50,93
Ukioq ilinniarfik 2	60,50	61,50	63,50
Ukioq ilinniarfik 3	75,17	75,67	76,17
Ukioq ilinniarfik 4	78,54	79,54	81,54
Ukioq ilinniarfik 5	82,45	83,45	85,70

Lærlinginut tunngaviusumik akissarsiat:

Niuertarfinni, tamatumani ilanngullugit radio, tv, IT il.il. akissarsiaat - Akunnermusiallit:

AKUNNERMUSIALLIT	1. april 2023	1. april 2024	1. april 2025
	Kr. Nal. akunnermut ataatsimut	Kr. Nal. akunnermut ataatsimut	Kr. Nal. akunnermut ataatsimut
Qaammatit pingasut	38,93	40,68	42,68
Ukioq ilinniarfik 1	47,18	48,93	50,93
Ukioq ilinniarfik 2	60,41	62,66	64,91
Ukioq ilinniarfik 3	64,92	67,42	70,17
Ukioq ilinniarfik 4	75,69	78,69	81,94
Ukioq ilinniarfik 5	79,45	82,45	85,70

Tunngaviusumik akissarsiaat: **Sulinermik inuussutissarsiutillit allat - Qaammamusiallit:**

QAAMMAMUSIALLIT	1. april 2023	1. april 2024	1. april 2025
	Kr. Qaammammut	Kr. Qaammamut	Kr. Qaammamut
ILINNIARSIMANNGITSUT 18-IT INORLUGIT UKIULLIT			
Ukioq 1	8.617,97	8.791,30	8.964,63
Ukiut 2	8.791,30	8.964,63	9.137,96
Ukiut 3 tullilu	8.964,63	9.137,96	9.311,29
ILINNIARSIMANNGITSUT 18-IT SINNERRUGIT UKIULLIT			
Ukioq 1	17.088,60	17.521,93	18.041,92
Ukiut 2 aamma 3	17.261,93	17.695,26	18.215,25
Ukiut 4 aamma 6	17.409,27	17.842,59	18.362,58
Ukiut 7 aamma 8	17.495,93	17.929,26	18.449,25
Ukiut 9 tullilu	17.582,60	18.015,92	18.535,91
ASSISTENT-IT ILINNIARSIMASUT			
Ukioq 1	20.312,55	20.659,21	21.179,19
Ukiut 2 aamma 3	20.615,88	20.962,54	21.482,53
Ukiut 4 aamma 6	20.919,20	21.265,86	21.785,85
Ukiut 7 aamma 8	21.222,53	21.569,19	22.089,18
Ukiut 9 tullilu	21.525,86	21.872,52	22.392,51
ASSISTENT-IT EVU – LLIT			

Ukioq 1	21.146,26	21.492,92	22.012,91
Ukiut 2 aamma 3	21.449,59	21.796,25	22.316,24
Ukiut 4 aamma 6	21.752,92	22.099,58	22.619,57
Ukiut 7 aamma 8	22.056,24	22.402,90	22.922,89
Ukiut 9 tullilu	22.359,57	22.706,23	23.226,22

ASSISTENT-IT AU/KVU – LLIT (Siusinnerusukkut NI-2-junikoq)			
Ukioq 1	22.411,57	22.758,23	23.278,22
Ukiut 2 aamma 3	23.122,22	23.468,88	23.988,87
Ukiut 4 aamma 6	23.832,88	24.179,54	24.699,53
Ukiut 7 aamma 8	24.543,53	24.890,19	25.410,18
Ukiut 9 tullilu	25.254,19	25.600,85	26.120,83

Tunngaviusumik akissarsiaat: **Sulinermik inuussutissarsiutillit allat - Akunnermusiallit:**

AKUNNERMUSIALLIT	1. april 2023	1. april 2024	1. april 2025
	Kr. Nal. akunnermut ataatsimut	Kr. Nal. akunnermut ataatsimut	Kr. Nal. akunnermut ataatsimut
ILINNIARSIMANNGITSUT 18-IT INORLUGIT UKIULLIT			
Ukioq 1	49,72	50,72	51,72
Ukiut 2	50,72	51,72	52,72
Ukiut 3 tullilu	51,72	52,72	53,72

ILINNIARSIMANNGITSUT 18-IT SINNERTLUGIT UKIULLIT			
Ukioq 1	98,59	101,09	104,09
Ukiut 2 aamma 3	99,59	102,09	105,09
Ukiut 4 aamma 6	100,44	102,94	105,94
Ukiut 7 aamma 8	100,94	103,44	106,44
Ukiut 9 tulliilu	101,44	103,94	106,94
ASSISTENT-IT ILINNIARSIMASUT			
Ukioq 1	117,19	119,19	122,19
Ukiut 2 aamma 3	118,94	120,94	123,94
Ukiut 4 aamma 6	120,69	122,69	125,69
Ukiut 7 aamma 8	122,44	124,44	127,44
Ukiut 9 tulliilu	124,19	126,19	129,19
ASSISTENT-IT EVU – LLIT			
Ukioq 1	122,00	124,00	127,00
Ukiut 2 aamma 3	123,75	125,75	128,75
Ukiut 4 aamma 6	125,50	127,50	130,50
Ukiut 7 aamma 8	127,25	129,25	132,25
Ukiut 9 tulliilu	129,00	131,00	134,00
ASSISTENT-IT AU/KVU – LLIT			
Ukioq 1	129,30	131,30	134,30
Ukiut 2 aamma 3	133,40	135,40	138,40
Ukiut 4 aamma 6	137,50	139,50	142,50
Ukiut 7 aamma 8	141,60	143,60	146,60
Ukiut 9 tulliilu	145,70	147,70	150,70

§ 18 - Piffissap ilaannaani sulineq

Sulinermik inuussutissarsiutillit piffissap ilaannaani sulisussatut atorfinitsinneqartut piffissamut suliffimmut naapertuuttumik qaammammusiaqartinneqanngikkunik nal. akunnermusiaqartinneqassapput pineqartup fagimi qanoq sivisutigismik sulismanera tunngavigalugu, takuuk § 16.

Imm. 2. Sulinermik inuussutissarsiuteqartut piffissap ilaannaani agguaqatigiissillugu sap. akunneranut nal. akunnerini 15-ini sivisunerusumiluunniit sulisartut tamakkiisumik suliffeqartutuulli ukiut suliffiit malillugit akissarsiaat qaffakkiartussapput. Sulinermik inuussutissarsiuteqartut sap. akunneranut nal. akunneri 15-it ataallugit sivisussusilimmik sulisartut isumaqatigiissut naapertorlugu ukiut suliffiit malillugit akissarsiaat qaffakkiartussanngillat.

Imm. 3. Piffissaq suliffissaq aalajangersimasoq isumaqatigiissutigineqarsimasoq sinnerlugu sulisoqarpat, sap. akunneranulli akunnerit 40-t sinnernagit, nalinginnaasumik nal. akunnermut akissarsiaqartitsisoqassaaq.

Imm. 4. Akunnerit, sap. akunneranut akunnerit 40-t sinnerlugit suliffiusut § 19 naapertorlugu akilersorneqassapput.

Imm. 5. Piffissamik suliffimmik allanngortitsineq, tamatumani ilanngullugu piffissap ilaannaani sulisartup atorfinitsinneqarnerani piffissamik suliffigisassamik isumaqatigiissutigineqartumik allanngortitsineq, taamaallaat pisinnaavoq ullunik pingasunik sioqqutsilluni ilimasaaruteqarnikkut. Taamatut ilimasaaruteqartoqarsimanngippat nal. akunneri suliffippiaat qaavatigut akunnermik ataatsimik akissarsisitsisoqassaaq. Piffissap suliffigisap allanngortinneqarnerani piffissap suliffiusussap allanngortinneqartup ilaani sulinnginnissamik kissaatigisat eqqarsaatigineqarsinnaapput.

§ 19 - Qaangiuttoorneq sulinngikkallarnerlu (afspadsering)

Qaangiuttoorneq sapingisamik pinaveersaartariaqarpoq. Suliffimmi nalinginnaasumik piffis-sap suliffiup qaangiutereernerani peqquneqarluni nakkutigisaasumillu sulinermut qaangiuttoornersisitsisoqartassaaq nal. akunnermusiamut tapimik imatut annertussusilimmik:

Nal. ak. qaangiuttoorfiiit 1, 2, aamma 3.....Tunngaviusumik akissarsiat 50 % -iat, tak. § 17.

Nal. ak. qaangiuttoorfik 4 kinguliinullu kiisalu sapaammi nalliuuttunilu qaangiuttoornernut..... tunngaviusumik akissarsiat 100 %-iat, tak. § 17.

Qaangiuttoornersiassat katersorneqassapput nal. akunneri affai aallartinneqartut tunngavigalugit. Nal. akunneranut akissarsiat naatsorsorneqassapput nalinginnaasumik ukiumut akissarsiat 1/2080-iattut.

Imm. 2. Sulinermik inuussutissarsiuteqartunut piffissap akissarsiffiusup iluani nalinginnaasumit sivikinnerusumik atorfeqarsimasunut, nalinginnaasumik piffissaq suliffissaq ullormut nal. akunnerini arfineq-pingasuni sulisussatut naatsorsunneqassaaq, ullunulli 14-inut nal. akunnerinik 80-inik naatsorsuunneqartassalluni.

Imm. 3. Qaangiuttoornissaq ullormi qaangiuttoorfissami nalinginnaasumik suliffiup naanis-saa kingusinnerpaamik nal. akunnerinik tallimanik sioqqullugu ilimasaarutigineqareertas-saaq.

Imm. 4. Qaangiuttoornissaq ilimasaarutigineqarsimannngikkaangat qaangiuttoornerlu nal. akunneri marluk sinnerlugit sivisussuseqarpat, nal. akunneri qaangiuttoorfiorpiarneqartut nal. akunneranik ataatsimik ilaneqartassapput.

Imm. 5. Sulinermik inuussutissarsiutilik suliffiup nalinginnaasup avataani ilimasaareqqaarani suliartoqquneqaruni minnerpaamik nal. akunnerinik sisamanik akissarsisinneqassaaq.

Imm. 6. Qaangiuttoornerit nalinginnaasumik suliffiup nalinginnaasumik sivisussusaanut naleqqiullugu ikinnerpaamik nal. akunnerinik sisamanik amerlanerugaangata nal. akunneri qaangiuttoorfiorpiartut qaangiuttoornermik nal. akunneranik ataatsimik ilaneqartassapput.

Imm. 7. Sulinermik inuussutissarsiuteqartup sulisitsisullu isumaqatigiissuteqarnerisigut qaangiuttoorneq sulinngikkallarnertut (afspadsering) atorneqarsinnaavoq. Sulinngikkallarnermi qaangiuttoornersianut taarsiunneqassaaq sulinnginneq nal. akunnerisa qaangiuttoorfiit nalingat, tassunga ilanngullugu akit imm. 1-im i taaneqartut naapertorlugit piffissami tapisiat. Piffissaq sulinngikkallarfissaq katersorneqassaaq qaangiuttoornermi nal. akunnerisa affai aallartitat tamaasa tunngavigalugit. Piffissaq sulinngikkallarfissap aalajangerneqassaaq suliffiup pisariaqartitsinera aamma sulisup kissaatai naatsorsuutigalugit.

§ 20 - Piffissami nikingasumi kiisalu sapaatini nalliuttunilu sulinermut tapisiat

Sapaatini nalliuttunilu sulinermi sulinermik inuussutissarsiutillit 18 sinnerlugit ukiullit § 17 naapertorlugu tunngaviusumik akissarsiat 50%-iannik nal. akunneranut tapisiaqartitsisoqartinneqartassapput.

Sulinermik inuussutissarsiutillit 18 inorlugit ukiullit nal. akunneranut kr. 12,50-inik tapisiaqartinneqartassapput.

Ulluinnarni piffissami nal. 18.30 – 23.00 sulinermi nal. akunneranut kr. 4.00-inik piffissamilu nal. 23.00 aamma nal. 06.00 akornanni sulinermi kr. 7.00-inik tapisiaqartitsisoqartassaaq.

Arfininngornikkut nal. 14.00 kingorna sulinermi nal. akunneranut kr. 7.00-inik tapisiaqartitsisoqartassaaq. Sulinermik inuussutissarsiutillit 18 inorlugit ukiullit arfininngornikkut tapisia sap 50%-ianik tapisiaqartinneqartassapput.

Qaangiuttoortoqartillugu taakkua qaavisigut § 19, imm. 1 naapertorlugu qaangiuttoornersiaqartitsisoqartassaaq.

Imm. 2. Ullut uku nalliuuttutut naatsorsuunneqarput:

- Ukiortaaq, 1. januaari.
- Kunngit pingasut (nal. 12 kingorna), 6. januaari
- Sisamanngorneq illernartoq,
- Tallimanngorneq tannaartoq,
- Poorskip ullua Poorskillu aappaa,
- Nunani tamalaani sulisartut ulluat 1. maaji (ulloq naallugu),
- Tussiarfissuaq,
- Qilaliarfik,
- Pinsep aappaa
- Kalaallit Nunaanni inuiattut ullorsiorneq, 21. juuni,
- Juulliaraq, 24. decembari,
- Juullip ullua, 25. decembari,
- Juullip ulluisa aappaat, 26. decembari,
- Ukiutoqaq, 31. decembari.

§ 21 - Nalliuuttuni ulluinnartigoortuni tapisiat

Nalliuuttutut ulluinnartigoortutut naatsorsuunneqarput nalliuuttut § 20, imm. 2-mi taaneqartut, sapaat nalerunngikkaangassuk.

Imm. 2. Sulinermik inuussutissarsiutillit nalunaaquttag akunnermusiallit, ima aningaasar-talinnik nalliuuttunut ulluinnartigoortunut tapisiaqartitsisoqartassapput:

	Nalliuuttuni ulluinnartigoortunut ilivitsunut	Nalliuuttuni ulluinnartigoortunut affarnut
Ilinniartut Ilinniarsimanngitsut 18 inorlugit ukiullit Ilinniarsimanngitsut 18 sinnerlugit ukiullit	kr.-it 200,00	Kr.-it 100,00
Ilinniagaqarsimasut	kr.-it 100,00	kr.-it 50,00

taamatulli tapisiaqassagaanni uku marluk eqquutsinnejassapput:

- a) Sulinermik inuussutissarsiuteqartoq nalliuuttup ulluinnartigoortup siuninnguatigut suliffimmi tassanerpiaq atasuinnarmik ulluni tallimani sulisimassaaq.
- b) Sulinermik inuussutissarsiutilik nalliuuttoq ulluinnartigoortoq sioqqullugu kinguninnguatigulluunniit unioqqutitsilluni sulinngitsoorsimannngissanngilaq.

Imm. 3. Nalliuuttumi ulluinnartigoortumi sulisoqarsimappat nalliuuttumut ulluinnartigoortumut akissarsisitsisoqassaaq imm. 2 naapertorlugu isumaqtigiissutit malillugit akissarsiat qaavisigut.

Imm. 4. Sulinermik inuussutissarsiutillit piffissap ilaannaanut sulisartut, ullut arfineq marluk ingerlaneranni nalinginnaasumik nal. akunneri 20-it inorlugit sulisartut nalliuuttunut ulluinnartigoortunut akissarsiarissavaat aningasat imm. 2-mi taaneqartut affaat.

§ 22 - Suliartoqquneqaratarsinnaanermut tapisiat

Sulinermik inuussutissarsiutillit nakkutigineqarsinnaanngitsumik nakkutigiuminaatsumilluuniit qaangiuttoortartut qaangiuttoornersiaannut aamma piffissami nikingasumi sulinermut tapisiaannut taarsiullugu suliartoqquneqaratarsinnaanermut tapisiaqartinnejarsinnaapput. Tapisisat annertussusissaat aalajangerneqassaaq sulisitsisup, sulisup taassumalu sinnisaata akornanni isumaqtigiissuteqarnikkut. Tapisiap annertussusissaa sulisitsisup sulisartullu

isumaqatigiissutigisinnaanngippassuk suliassaq illuatungeriit akornanni isumaqatigiinniutissatut suliassiissutigineqarsinnaavoq.

§ 23 - Nutserinermi tapisiat

Sulinermik inuussutissarsiutillet nutserisutut ilinniagaqavissimanngitsut, annertuumilli oqalutaanermik allakkatigulluunniit nutserinermik suliaqartartut, qaammammusialinnut qaammammut kr.-it 500,00-nik nal. akunnermusialinnullu sap. akunneranut kr.-it 125,00-inik tapisiaqartinneqassapput.

§ 24 - Atorfimmut qaffasinnerusumut inissinneqarallarnermi akissarsiat

Sulinermik inuussutissarsiutilik qinnuigineqarnermigut atorfimmi qaffasinnerusumi sulisinneqarallartoq maleruaqqusat kinguliini taaneqartut malillugit akilersorneqartussaavoq, sulinermik inuussutissarsiuteqartup suliassat, atorfimmut qaffasinnerusumut attuumassuteqartut tiguppagit.

Imm. 2. Atorfimmi qaffasinnerusumi sulisinneqarallarnermi akilersorneqartussaaneq atuutilissaq, sulinermik inuussutissarsiutilip atorfik taamaattoq ulluni ataqtigiiissuni arfineqpingasuni suliffigisimappagu aammalu ulluni taakkunani ulloq siulleq kingullerlu suliffigisimapagit.

Imm. 3. Tamatuma kingorna akissarsiassat imatut annertutigissapput, sulinermik inuussutissarsiutilip nammineq atorfimmini nalinginnaasumik akissarsiaata atorfimmilu qaffasinnerusumi atorfinitssinneqaraluaruni akissarsiassaata nikingassutaat taamaattoqarpallu tapiliussat ilanngullugit.

§ 25 - Immikkut tapisiat

Immikkut ittunik pissutissaqartoqartillugu sulisitsisup sulisullu sinnisaata isumaqatigiinniareernerisigut sulinermik inuussutissarsiutilik inuttut immikkut tapisiaqartinneqarsinnaavoq.

Imm. 2. Suliffeqarfimmi sulisut sinnisoqanngippata, aammalu sulisup sulisitsisullu inuup nammineq tapisiai isumaqatigiissutigisinnaannngippatigit, isumaqatigiinniarnermi sulisoq sumiiffimmi SIK-p Immikkoortortaqarfianiit ikiorneqarsinnaavoq. Isumaqatigiittoqanngippat suliaq SIK-p aamma GA-p akornanni aalajangigassanngorlugu suliassangortinneqassaaq.

§ 26 - Soraarnerussutisiassanut akiliutissat taakkualu akilerneqartarneri

Sulinermik inuussutissarsiuteqartup aamma soraarnerussutisiassanut akiliutitut sulisitsisup Sulinermik Inuussutissarsiuteqartut Soraarnerussutisiaqalernissamut Aningaasaateqarfiannut SISA-mut akilertassavai:

1. april 2023-miit: Tunngaviusumik akissarsiat 8,9 %-iat, takuuk § 17 sulinermik inuussutissarsiutilimmut 18-inik ukioqalersimasumut sinnerluguluunniit ukiulimmut.
1. april 2025-miit: Tunngaviusumik akissarsiat 10 %-iat, takuuk § 17 sulinermik inuussutissarsiutilimmut 18-inik ukioqalersimasumut sinnerluguluunniit ukiulimmut.

Lærling-inut aamma soraarnerussutisiassanut akiliuteqartoqassaaq.

Imm. 2. Soraarnerussutisiaqalernissamut akiliutit imm. 1-imí taaneqartut saniatigut sulinermik inuussutissarsiuteqartoq sulisitsisumit soraarnerussutisiassaqartinneqarsinnaanngilaq ikorsiissutisisinnaananiluunniit.

§ 27 - Soraarniuteqartarneq soraarsitsisarnerlu

Atorfillit, isumaqatigiissut taanna malillugu atorfeqartinneqartut, atorfillit pillugit inatsit naapertorlugu soraarsitsinissamut ilimasaaruteqartarneq pisassaaq. Atorfillit, isumaqatigiissut taanna malillugu atorfeqartinneqartut, misilummik qaammatini pingasuni atorfeqartussatut atorfinitssineqassapput. Sulisitsisup soraarsitsinissamut ilimasaaruteqarfissa ullaunik 14-inik sivisussuseqarpoq.

Sulisitsisoq imaluunniit allaffimmi sulisutut atorfeqartoq, atorfilittut atorfeqanngitsoq, qaammammi siullermi atorfeqarfiusumi, sulisitsisoq soraarsitsinissamut imaluunniit sulisoq suliunnaarnissamut ilimasaaruteqarnissamik pisussaaffeqanngillat. Tamatuma kingorna makku atuutilissapput:

Sulinermik inuussutissarsiutillit suliamik ilinniagaqanngitsut:

Suliamik ilinniagaqanngitsut	Sulisitsisumit		Sulinermik Inuussutissarsiutilik	
	Nal. ak.	Qaammammut	Nal. ak.	Qaammammut
Ukiup atorfeqarfiup 1-p sinnerani	Sap. ak. 2	Qaamat 1	Ullut 3	Qaamat 1
Ukioq atorfeqarfik 2, 3 aamma 4	Sap. ak. 3	Qaamatit 2	Sap. ak. 1	Qaamat 1
Tamatuma kingorna	Sap. ak. 4	Qaamatit 3	Sap. ak. 1	Qaamat 1

Sulinermik inuussutissarsiutillit suliamik ilinniagallit:

Suliamik ilinniagalinnut	Sulisitsisumit		Sulinermik inuussutissarsiutilik	
	Nal. ak.	Qaammammut	Nal. ak.	Qaammammut
Ukiup affaa atorfeqarneq tikillugu	Sap. ak. 2	Qaamat 1	Ullut 3	Qaamat 1
Ukiup affaani atorfeqarnerup kingorna	Sap. ak. 4	Qaamatit 3	Sap. ak. 2	Qaamat 1
Tamatuma kingorna ilimasaariffissaq ukiut 3-kaartumik qaammamusialinnut qaammammik 1-imik nal. akunnermusialinnullu sap. akunneranik 1-imik sivitsorneqatassaaq, sivisunerpaamilli	Sap. ak. 6	Qaamatit 6	Sap. ak. 3	Qaamat 1

Imm. 2. Soraarnermik/soraarsitsinermik nalunaarfissat imm. 1-imik taaneqartut atuupput sulinermik inuussutissarsiutilinnut suliffimmi tassanerpiaq atasuinnarmik piffissani taaneqartuni sulusuusimasunut. Taamaattoq pissutsit makkua suliunnaarnertut isigineqassanngillat.

- a) napparsimaneq, suliffiup nalinginnaasup aallartinnginnerani suliffimmut nalunaarutigineqartoq,

- b) naartuneq, ernineq qitornarsiavittaarnerlu pillugit inatsisartut inatsisaat naapertorlugu sulinnginneq, imaluunniit sulisitsisup atugarisai pissutigalugit sulinermik unitsitsinerit, sulinermik inuussutissarsiutilik neqeroorfigineqarnini tunngavigalugu suleqqilersimappat.

- c) Sulisitsisup sulinermillu inuussutissarsiutillip isumaqatigiissuteqarnerat tunngavigalugu suliffeqarfimmi tassanerpiaq immikkoortoqarfimmuit immikkoortoqarfimmuit allamut nuutsitaasoqarsimatillugu.

Imm. 3. Piffissaq sulisitsisup ilimasaarisussaaffissaq atorunnaassaaq sulisartoq atorfegartitaanermini pissutsinik atornerluisimappat.

Imm. 4. Aamma ilimasaarisussaatitaaneq atorunnaassaaq ilimagereersinnaanngisat pissutigalugit suliffimmi ingerlatsinerup tamakkiisumik ilaannakortumilluunniit unitsinneqarnerani sulisoqarsinnaajunnaarallarpat.

Imm. 5. Sulinermik inuussutissarsiuteqartumik agguaqatigiisillugu nal. akunneri 15-it inorlugit sulisimasumik sulisitsisoq soraarsitsiniaruni sapaatip akunneranik ataatsimik siumut soraarsitsinissaminik ilimasaarissaaq sulinermillu inuussutissarsiuteqartoq ullunik pingasunik siumut ilimasaarereerluni soraarsinnaavoq.

Imm. 6. Sulinermik inuussutissarsiutillip sulisitsisullu soraarniuteqarneq soraarsitsinissaruunniit allaganngorlugu nalunaarutigisassavaat.

§ 28 - Piffissaq isumaqatigiissutip atuuffissaq

Isumaqtigiissut una atortuulerpoq 1. april 2023. Isumaqtigiissut illua-tungeriit arlaannit atorunnaartussanngortinneqarsinnaavoq 31. marts atorunnaartussanngorlugu, siusinnerpaa-milli 31. marts 2026-mi atorunnaartussanngorlugu.

Imm. 2. Isumaqtigiissutip atorunnaartussanngornerata kingorna nutaamik isumaqtigiissuteqarnissap tungaanut akissarsiaqartitsisoqartassaaq akissarsiat 31. marts 2026 atuuttut malillugit.

Imm. 3. Aammattaaq Kalaallit Nunaanni Sulisitsisut isumaqtigiissut una aqqutigalugu pia-reersimavoq ilaasortani peqqussallugit SIK-mi ilaasortat salliutillugit sulisorisaqqullugit.

Isumaqtigiissutip matuma isumaqtigiissutigineqarneratigut makku atorunnaarsinneqarput:

- Niuartarfimmiut allaffimmiullu pillugit Kalaallit Nunaanni Sulisitsisut peqatigiiffiat aamma Sulinermik Inuussutissarsiuteqartut Kattuffiata isumaqtigiissutaat maajip 3-an 2019-meersoq.

Nuuk, ulloq 2023

Sulinermik Inuussutissarsiuteqartut Kattuffiat sinnerlugu Sulisitsisut sinnerlugu

Jess G. Berthelsen

Christian Keldsen

Siulittaasoq

Direktør-i